

CYD-BWYLLGOR CORFFOREDIG Y GOGLEDD DYDD GWENER, 7 TACHWEDD 2025

Yn bresennol: Cadeirydd: Y Cynghorydd Mark Pritchard (Cyngor Bwrdeistref Sirol Wrecsam).

Y Cynghorwyr: Dave Hughes (Cyngor Sir y Fflint), Nia Jeffreys (Cyngor Gwynedd), Julie Fallon (Cyngor Bwrdeistref Sirol Conwy), Gary Pritchard (Cyngor Sir Ynys Môn), Jason McLellan (Cyngor Sir Ddinbych) ac Edgar Owen (Cadeirydd Awdurdod Parc Cenedlaethol Eryri)

Prif Weithredwyr Cyngorau Cyfansoddol: Dafydd Gibbard (Cyngor Gwynedd), Dylan Williams (Cyngor Sir Ynys Môn), Rhun ap Iareth (Cyngor Bwrdeistref Sirol Conwy), Neal Cockerton (Cyngor Sir y Fflint), Graham Boase (Cyngor Sir Ddinbych), Alwyn Jones (Cyngor Bwrdeistref Sirol Wrecsam) a Jonathan Cawley (Awdurdod Parc Cenedlaethol Eryri)

Swyddogion eraill yn bresennol: Iwan Evans (Swyddog Monitro – Cyngor Gwynedd), Dewi Aeron Morgan (Swyddog Cyllid Statudol y CBC), Sara Jane Jones (Swyddog Uwch Gyfrifydd – Cyngor Gwynedd), Nia Medi Williams (Rheolwr Gweithrediadau ac Adnoddau – Uchelgais Gogledd Cymru), Hedd Vaughan-Evans (Pennaeth Gweithrediadau Uchelgais Gogledd Cymru), Claire Incledon (Dirprwy Swyddog Monitro Dros Dro CBC), Iain Taylor (AMION Consulting), David Hole (Arweinydd Rhaglen Weithredu'r CBC), Angharad Williams (Swyddog Cefnogi Rhaglen – Uchelgais Gogledd Cymru), Elliw Hughes (Rheolwr Rhaglen Cynllun Twf – Uchelgais Gogledd Cymru), David Mathews (Rheolwr Rhaglen Tir ac Eiddo – Uchelgais Gogledd Cymru), Meghan Davies (Rheolwr Rhaglen Ynni a Sero Net – Uchelgais Gogledd Cymru), Stuart Whitfield (Rheolwr Rhaglen Ddigidol – Uchelgais Gogledd Cymru), Andy Roberts (Rheolwr Rhaglen Gweithredu'r CBC – Uchelgais Gogledd Cymru), Adam Graham (Uwch Swyddog Trafnidiaeth – Uchelgais Gogledd Cymru), Allan Pitt (ARUP), Gareth Ashman (Llywodraeth y DU), Wendy Boddington (Llywodraeth Cymru), a Sera Whitley (Swyddog Gwasanaethau Democratiaeth – Cyngor Gwynedd).

1. ETHOL IS-GADEIRYDD AR GYFER 2025/26

Etholwyd y Cyng. Jason McLellan yn Is-gadeirydd y Cydbwyllgor ar gyfer 2025/26.

2. YMDDIHEURIADAU

Derbyniwyd ymddiheuriadau gan Alwen Williams (Prif Weithredwr y CBC) a Sian Pugh (Pennaeth Cynorthwyol Cyllid – Cyngor Gwynedd).

3. DATGAN BUDDIANT PERSONOL

Bu i Cyng Dave Hughes (Cyngor Sir y Fflint) ar gyfer Eitem 5 oherwydd materion personol. Nid oedd yr aelod o'r farn eu bod yn fuddiannau sy'n rhagfarnu, ac ni adawsant y cyfarfod yn ystod y drafodaeth.

4. MATERION BRYS

Dim i'w nodi.

5. PARTH BUDDSODDI SIR Y FFLINT A WRECSAM

Cyflwynwyd yr adroddiad gan Iwan Evans, Swyddog Monitro ac Iain Taylor o AMION Consulting.

PENDERFYNWYD:

Derbyniwyd yr Adroddiad Diweddarau a nodwyd gwaith a wnaed gan Gyngor Sir y Fflint a Chyngor Bwrdeistref Sirol Wrecsam a thîm y Parth Buddsoddi, Llywodraeth Cymru a Llywodraeth y DU.

Cymeradwywyd Cytundeb Rhyng-Awdurdod (IAA) drafft rhwng Cyd-bwyllgor Corfforedig y Gogledd (CBC), Cyngor Sir y Fflint a Chyngor Bwrdeistref Sirol Wrecsam, gan ddirprwyo'r hawl i gytuno a chwblhau'r fersiwn terfynol i'r Prif Weithredwr mewn ymgynghoriad â Swyddog Monitro, Swyddog Adran 151, yr Is-gadeirydd ac Arweinydd Cyngor Sir Ddinbych, fel cynrychiolwyr penodedig y Bwrdd Ymgynghorol Parth Buddsoddi Sir y Fflint a Wrecsam.

Cymeradwywyd Rhestr Prosiectau, gweithgareddau a cherrig milltir Blwyddyn 1 a 2 sydd wedi'u drafftio i gefnogi'r Cynllun Cyflawni Blynyddol.

Cymeradwywyd Memorandwm Cyd-ddealltwriaeth drafft, gan ddirprwyo'r hawl i gytuno a chwblhau'r fersiwn terfynol i'r Prif Weithredwr mewn ymgynghoriad â Swyddog Monitro, Swyddog Adran 151, yr Is-gadeirydd ac Arweinydd Cyngor Sir Ddinbych, fel cynrychiolwyr penodedig y Bwrdd Ymgynghorol Parth Buddsoddi Sir y Fflint a Wrecsam.

TRAFODAETH

Diolchwyd i'r Aelodau am eu hamser a'u hystyriaeth o'r adroddiad.

Adroddwyd bod datblygiad y rhaglen bellach ar bwynt allweddol ac wedi cyrraedd y cam cymeradwyo gyda Llywodraeth Cymru a Llywodraeth y DU. Mae'r Broses Pum Porth wedi dod i ben ac mae cytundeb i'r Porth (*Gateways*) wedi'i dderbyn. Eglurwyd bod angen cymeradwyaeth y CBC i'r Memorandwm Cyd-ddealltwriaeth a'r cytundeb rhyng-awdurdod rhwng y Cyd-bwyllgor Corfforedig (CBC), Cyngor Sir y Fflint, a Chyngor Bwrdeistref Sirol Wrecsam. Ymhelaethwyd mai'r rhain fydd yn llywodraethu ar drosglwyddo arian refeniw a gweithgareddau allweddol yn y rhaglen.

Eglurwyd bod cynlluniau cyflawni blynyddol yn cael eu cytuno bob blwyddyn i gefnogi'r ffordd y mae Parthau Buddsoddi yn cael eu strwythuro a'u cyflawni. Cyflwynir drafft y Cynllun Cyflawni Blynyddol yng nghyfarfod Grŵp Gwaith Parth Buddsoddi, lle mae arweiniwyr Cyngor Sir y Fflint a Chyngor Bwrdeistref Sirol Wrecsam yn cyfarfod ac yn adolygu'r Cynllun Cyflawni Blynyddol. Nodwyd mai'r bwriad yw cynnal cyfarfod o'r Grŵp Gwaith Parth Buddsoddi ar 28 Tachwedd, i drafod gweithgareddau cychwynnol y rhaglen. Manylwyd y byddent yn cynnal cyfarfod arall i drafod Cynllun Cyflawni'r ail flwyddyn.

Rhodddwyd trosolwg i'r Aelodau o'r Cynllun Cyflawni Blynyddol, gan dynnu sylw arbennig at rai o bwyntiau allweddol Rhaglen y Parth Buddsoddi a oedd wedi'u cynnwys yn Atodiad 2. Nodwyd bod y rhain wedi'u rhannu'n gefnogaeth fusnes, sgiliau, arloesedd, seilwaith, a safleoedd treth. Hysbyswyd yr Aelodau fod y safleoedd treth wedi'u cyhoeddi ar Legislation.gov, a'u bod yn dod i rym cyfreithiol ar 21 Tachwedd.

Hysbyswyd yr aelodau, pe bai'r CBC yn cymeradwyo'r Memorandwm Cyd-ddealltwriaeth

a'r IAA, y byddai'r Llywodraeth yn gweithredu i gyhoeddi fersiynau wedi'u llofnodi o'r ddogfen ymhen yr wythnos.

Tynnwyd sylw'r aelodau at y Cynllun Cyflawni, gan amlygu gwaith cynnar. Atgoffwyd yr aelodau ei fod yn brosiect Partneriaeth Sgiliau Rhanbarthol ar y cyd gyda Phrifysgol Wrecsam a Choleg Cambria. Nodwyd bod yr arian i weinyddu grantiau busnes yn cael ei ddirprwyo i Gyngor Sir y Fflint a Chyngor Bwrdeistref Sirol Wrecsam. Cydnabuwyd bod cynnydd cadarnhaol yn cael ei wneud o ran Sefydliad Gweithgynhyrchu Cenedlaethol i Gymru, gyda'r bwriad o'i ddwyn i Ogledd-ddwyrain Cymru, yn ogystal â datblygiadau mewn rhaglenni datgarboneiddio gyda diwydiant a phrosiect trawsnewid a gefnogir gan AMRC. Ymhelaethwyd bod cynnydd da yn cael ei wneud gyda'r gofynion seilwaith i'r safleoedd treth, gydag eiddo eisoes yn cael eu hadeiladu yng Nglannau Dyfrdwy a phrosiectau'n cael eu hyrwyddo i'w hystyried ar gyfer cynllunio yn Wrecsam. Bydd manylion pellach yn cael eu cyflwyno i arweinwyr Cyngorau Sir y Fflint a Wrecsam ddiwedd mis Tachwedd, gyda'r eitem yn cael ei gyflwyno eto i'r Is-bwyllgor Llesiant Economaidd.

Eglurwyd mai dyma'r cam diwethaf o benderfyniadau gan y CBC o ran adeiladu'r Parth Twf, gan esbonio eu bod yn gytundebau sy'n ymrwymo'r CBC i rôl corff atebol. Fel corff atebol, mae'r CBC yn eistedd rhwng y Llywodraethau ac felly mae'r Memorandwm Cyd-ddealltwriaeth sy'n cael eu harwyddo rhwng y CBC a'r Llywodraeth yn ymrwymiad egwyddorol i sut fydd y prosiect yn cael ei redeg. Bydd llythyrau ariannu, sef dogfennau cytundebol ac amodau ariannu, gan y Llywodraethau yn cael eu hanfon wedyn.

Nodwyd bod yr IAA yn gytundeb cyd-weithio rhwng y Cyngorau a'r CBC, ac yn cynnwys sut mae'r Parth Buddsoddi yn cael ei redeg, y llywodraethant, y trefniadau ariannu refeniw, a'r trefniadau ar gyfer cydymffurfio ag amodau fydd y Llywodraeth yn osod ar y CBC. Ymhelaethwyd ei bod yn ddogfen sy'n adeiladu ar y penderfyniadau sydd wedi eu cymryd yn y misoedd diwethaf yn y *gateways* er mwyn creu'r Parth Buddsoddi. Yn bellach, eglurwyd bod y Memorandwm Cyd-ddealltwriaeth wedi ei ail gyflwyno i'r CBC ac er nad ymddengys bod llawer o newidiadau ers mis Gorffennaf, mae'n cyfeirio at reolaeth Rheoli a Threthi Anomestig fydd angen ei gyfarch yn y Memorandwm Cyd-ddealltwriaeth.

Tynnwyd sylw bod drafft o'r IAA ger bron yr Aelodau. Ymddiheuriwyd fod y ddogfen ar gael yn Saesneg yn unig ar hyn o bryd. Eglurwyd mai fersiwn gychwynol o'r ddogfen sy'n bodoli ar hyn o bryd er mwyn ymestyn trafodaeth, ac i sicrhau fod y prosiect yn symud yn ei flaen maent yn gofyn am hawliau dirpwyedig i gwblhau'r dogfennau ar y cyd efo Cyngor Sir y Fflint a Chyngor Bwrdeistref Sirol Wrecsam. Nodwyd eu bod wedi derbyn adborth cadarnhaol gan Swyddogion Monitro o Gyngor Sir y Fflint a Chyngor Bwrdeistref Sirol Wrecsam. Pwysleisiwyd bod yr hawl i symud ymlaen efo'r Memorandwm Cyd-ddealltwriaeth a'r IAA yn hanfodol, er mwyn tynnu dogfennau at ei gilydd a rhoi sylfaen ar gyfer y gwaith sylweddol o gyflwyno'r Parth Buddsoddi.

Talwyd diolchiadau gan y Cadeirydd i'r ymgynghorydd o AMION Consulting, i dîm cyfreithiol Cyngor Gwynedd, ac i Brif Weithredwr ac Arweinydd Cyngor Sir y Fflint am eu partneriaeth yn y prosiect. Mynegwyd bod hwn yn gyfle gwych i Sir y Fflint a Wrecsam gyflawni ar gyfer busnesau yng Ngogledd Cymru. Tynnwyd sylw at bwysigrwydd y prosiect, yn enwedig y budd yn sgil cynnydd mewn swyddi o ansawdd uchel yn ei ddwyn i economïau rhanbarthol ehangach.

6. CAU ALLAN Y WASG A'R CYHOEDD

Penderfynwyd cau allan y wasg a'r cyhoedd o'r cyfarfod yn ystod y drafodaeth ar yr eitemau canlynol gan ei fod yn debygol y datgelir Gwybodaeth eithriedig fel y'i diffinnir yn

Adran 100A(2) Deddf Llywodraeth Leol 1972. Mae'r adroddiad yn ymwneud a gwybodaeth ariannol mewn perthynas â'r Gronfa Drafnidiaeth Ranbarthol, sydd wedi'i dynodi'n wybodaeth gyfrinachol gan Lywodraeth Cymru ar ddibenion Adran 100 (A)(2) Deddf Llywodraeth Leol 1972. Gan hynny mae'n ofynnol eithrio'r adroddiad rhag ei chyhoeddi gan y byddai yn datgelu gwybodaeth gyfrinachol.

7. RHAGLEN BLWYDDYN 1 Y GRONFA TRAFNIDIAETH RHANBARTHOL

Cyflwynwyd yr adroddiad gan Adam Graham, Uwch Swyddog Trafnidiaeth.

PENDERFYNWYD:

Cymeradwywyd Rhaglen Gynlluniau ddrafft i'w chyflwyno i Lywodraeth Cymru.

TRAFODAETH

Trafodwyd yr adroddiad.

Dechreuodd y cyfarfod am 12:00 a daeth i ben am 12:30

CADEIRYDD